

2 Pita

Pita mij kisen nib ak ñu kil tikak

1 ¹Yad Saimon Pita, Jisas Kraiss minim dad ameb bi ne alap. Yad wög gep bi ne alap midebin.

God cin Jisas Kraiss cinop di komiñ yokak ak, ne Bi tep aknib ke. Jisas Kraiss cinop mapin niñil gos tep ñek, cin nop niñ dipin. Nibi bin bi okok, Jisas Kraiss nibep gos tep ñek, nibi ak rek nep nop niñ dipim okok, nibep mij nibaul ñu kil tikebin. ²Nibi God abe, Bi Kib cin Jisas abe, kirop gos niñ midem, kiri apil mal nibep mapin niñil, di tep gil, kod mider, nibi per per kapkap mid tep ginimib.

God cinop dip, agil, nop cig tep gin

³Cin bin bi Jisas Kraiss pis ken midobin okok, tap si tap timel kirig gil, ne ageb rek nep gi midojin rek lip. Cin Jisas Kraiss nop niñ dipin ak me, Kraiss ne ak rek nep God midil, kilis ne nep cinop ñek, cin God Minim ageb rek nep gi midojin rek lip. Ne Bi tep aknib ke, Bi melik tep yib sek pen ne cinop gos niñil, bin bi yad ke midenimel, agil, cinop ag lak. ⁴Nib ak, Jisas Kraiss tap tep yib nib okok cinop ñib. Tap tep tep ñib ak dil, gos timel lim dai ar wagin aul niñil yap paknimel rek lip tap okok kirig gil, God ne ke mideb rek midojin rek lip.

⁵Nibak, Kraiss nibep gos tep ñek, nop niñ dipim. Pen nibi Jisas Kraiss niñ dilig gi midil, kilis gil, bin bi okok kirop gi tep ginimib. Pen nibi bin bi okok kirop gi tep nep gilig gi midil, kilis gil, Jisas Kraiss ne Bi tipeg Bi rek mideb minim yipil yib ak niñ tep ginimib. ⁶Pen nibi Jisas Kraiss ne Bi tipeg Bi rek mideb minim yipil yib ak niñ tep nep gilig gi midil, kilis gil, mib goñ nibi gos gip rek ma ginimib. Pen nibi mib goñ nibi gos gip rek ma gil, kilis gil, Jisas Kraiss nop niñ di kilis gil, cig tep gi midil, ne ageb ageb rek nep gilig gi midenimib. ⁷Pen Jisas Kraiss nop nep gos niñil cig tep gil, ne ageb ageb rek nep gilig gi midil, kilis gil, ai mam okok pen

pen di tep gipal rek, nibi Kraiss bin bi ai mam nibi okok pen pen di tep ginimib. Pen nibi Kraiss bin bi ai mam nibi okok pen pen di tep gilig gi midil, kilis gil, Kraiss bin bi ai mam nibi okok pen pen midmagil linimib. ⁸Pen yad siñaul minim tari tari ñu kil tikebin ak, nibi tap nibak nep gos niñ tep gil, kilis gil gi midenigabim ak, nibi Bi Kib cin Jisas Kraiss ne Bi tipeg Bi rek mideb, ag gos niñil, wög nop gi tep gem, tap magil tep ognap pilnigab. ⁹Pen yad siñaul minim tari tari ñu kil tikebin ak, nibi ognap tap nibak ma niñenigabim ak, nibi bin bi udin kwoi rek. Tap si tap timel göligipim ak, God ne acir nibak lig gi yokip ak, saköl gipim.

¹⁰Nib ak, ai mam yad okok. God gos ne ke niñil, yip kisen gil bin bi yad midenimel, agil, nibep dip ak, kilis gil nop kisen gil, bin bi ne midenimib. Niñ gil me, Kraiss minim tep ne ak per nep niñ di wös gil, gi damil, ma kirig ginigabim. ¹¹Pen Bi Kib cin Jisas Kraiss cinop tig asik yokip ak apil, nibep ag wasu ag dilig gi, bin bi ne per per kod midenigab karip ñilik migan nibak dam lil kod midenigab.

**God minim agep bi okok, Kaun Siñ kirop gos
ñek niñlig gi God minim aglak**

¹²⁻¹⁵Yad siñaul minim tari tari agebin ak, nibi niñil bir niñ di tep gipim ak pen yad per nep nibep minim nibak aglig gi nep midenigain. Bi Kib cin Jisas Kraiss yip, kimnigan, agil, ñin ag lak ak ulep apeb ak me, mib goñ sek midebin ñin aul, yad kilis gil, nibep minim nibak aglig gi nep midenigain ak tep. Niñ ginigain ak, nibi saköl ma ginigabim; yad kimnigain pen nibi minim nibak niñlig gi midenigabim.

¹⁶Cin nibep ned agil, Bi Kib cin Jisas Kraiss ke yib lil kilis sek owak, agnok ak, kesim kil tep dipal rek ma agnok. Ned Bi Kib akniñ ke yib kilis sek lek, udin cin ke niñil, kisen nibep ag ñinok. ¹⁷⁻¹⁸Ñin nibak, cin Jisas Kraiss eip am ñim siñ siñak midonok niñlig gi, Bapi God melik tep yib ne ak apil, Jisas Kraiss yib ne dap ranil agak, “Bi aul Ñi midmagil tep yad; nop niñen yip tep yib gip,” agak. God ne nib agek, cin ke minim ne ak peyig niñnok.

¹⁹Cin ke God minim peyig niñnok ak me, cin nipin, bi God minim agep okok kiri minim aglak ak, God minim ne nep aglak; minim pis nep niñ dep ak nep aglak. Minim aglak nibak, sip milañ kislím eyañ dagil lel, cinop melik yomib rek ak gip. Melik nibak, ñi lilig gi damil, karip miñab tikniñ gek niñlig gi, gap poglin misen onigab midmagil nab nibi adañ niñnigabim. Misen onigab ak, karip miñab pis nep tik da yokip rek ginigab. ²⁰Minim agebin aul niñ tep ginimib: God minim agep bi okok God Minim ne ñu kil tikil aglak ak, gos kiri ke nep niñil, minim wagin ak agnimel rek ma lip. ²¹Tari ginig: God minim agep bi okok, God minim ak agniñ, ke niñlak rek ma aglak; Kaun Siñ ne kirop gos ñek niñlig gi, God minim aglak.

Bi God Minim agobin, agil, minim esek ag ñibal okok

2 ¹Birarik nep bi ognap, God minim agobin, agil, bin bi Isrel kirop minim esek ag ñöligipal. Göligipal nibak rek, bin bi ognap nab nibep siñak midil, ak rek nep minim esek agel, bin bi ognap minim esek kirop ak niñ dinimib rek lip. Bi Kib kirop tau adik dak ak ne Bi Kib mer agil, ag junigal. Pen kiri minim esek agil nig ginigal ak, God gek, sigij pen yur kib yib dinigal. ²Kiri gi timel yib ginigal. Kraiss bin bi ne midebal bin bi koñai nep minim esek kiri ak dil, ak rek nep ginigal. Nig ginigal rek, bin bi okok niñil, kanib komiñ ameb ak tau acip acip ginigal. ³Mani tap okok din, agil, nibep minim esek yib agnigal. Nig ginigal ak pen God ne niñ nep mideb. Ne kirop minim kib agil ñag pak linig geb. ⁴God ejol tap si tap timel gilak okok kirop kau migan timel eyañ yokek, nag kilis kislum owip siñak midil, God minim kib agnigab ñin ak kod midebal. ⁵Pen birarik ped okok bin bi nop kirig gilak okok, God kirop yimig ma niñak. Ne gek, miñab kib pakil ñig ulik tan ap ranek, bin bi gi timel gilak okok magilsek ñig ñibil kim saklak. Pen bi nak Noa bin bi okok kirop, nibi God ageb rek nep ginimib, agoligip. Nib ak, God ne Noa abe, bin bi ne aknib ar oñid abe, kirop nep kod midil di komiñ yokak. ⁶Pen bin bi God Minim ageb rek ma ginigal okok, kirop ginigain ak bin bi okok magilsek niñ tep gilañ, agil, mab milañ ak seb kab ar alañ nib yokek, apil Sodom Gomora bin bi kirop pis nep yin sibok ñib amnak. ⁷Lot ne, bin si bi si gil, tap timel yib göligipal ak niñil, gos par niñoligip ak, God nop di komiñ yokak. ⁸Lot bi tep, nab kirop siñak midil, kiri ñin nokim nokim per per God lo minim ne ak tib juil, tap si tap timel göligipal okok udin magil ne ke niñil, minim timel ageligipal okok ne ke peyig niñil, nop yirik yib gak. ⁹Ne ned nig gak rek, cin nipin, miker tari tari onigab, Bi Kib ne bin bi God Minim ageb rek gipal okok kirop kod midil, di komiñ yokniñ rek lip. Pen bin bi God Minim ageb rek ma gipal okok nag rek lek, miker dilig gi, minim kib agep ñin ak kod midenigal. ¹⁰Pen bin si bi si gipal okok, minim kib ke yib dinigal. Bin bi pobñ kirop kod midebal okok, minim kirop ma niñil, gos kiri ke owip rek gipal bin bi okok abe, minim kib ke yib dinigal.

God Minim agobin, agil, minim esek apal bi nib okok, pirikil kaunan ma dil, bi melik tep ke sek seb kab ar alañ siñak midebal okok kirop abramek ag jupal. ¹¹Ejol okok aknib rek ma gipal. Ejol kiri bi kilis yib midebal ak pen kiri Bi Kib udin yirik ne siñak bi nib okok kirop ma ag jupal. ¹²Pen bi God Minim agobin, agil, minim esek apal bi nib okok, kimin kobri okok gos ma midek abramek gipal rek gipal. Kiri gos ma mideb pen kiri minim timel yib apal. Gipal nibak, kimin kobri gon lipal dip ak rek, kirop ginigab. Kimniñal me ak. ¹³Kiri bin bi okok yur ñibal ak pen kiri ke yur dinigal. Kiri gi timel gilig gi, pib nab tap pobñ ñiblig

gi, ñig kilis ñiblig gi, abramek gi damil, nabiñ ma dipal. Bin bi nib okok kiri apil, nibep eip mogim gil tap ñibal ak, kiri midmagil warikniğab rek abramek gi damil, tap acir gip alap rek aka soi sapeb alap rek lipal. ¹⁴Kiri per per nep bin si din, bi si din, agil, udin li niñlig gi nep tapal. Bin bi Kraiș nop ciğ tep ma gipal okok kirop neb neb gi dapil kid kiri ak amil, tap si tap timel gipal. Tap okok tap cin nep miden, agil, gos ak nep nipal. God ne tap timel yib gipal okok niñil, kirop pen yur kib yib ñinig geb.

¹⁵Kiri kanib yipid gil ar ak kirig gil, tap si tap timel gin, agil, gos ar ak nep nipal. Bi Beo ñi ne Belam gak rek nep gipal. Belam mani tap okok dinim, agil, gi timel gak. ¹⁶Kaj donki okok minim ma apal ak pen donki ne ak, bi apal rek Belam nop ag gek, tom agniğ gek nibak kirig gak. Nib ak, Belam gi timel gak nibak, God Belam nop ag gak.

¹⁷Pen minek ognap, ñig milniğ amil nipin, ñig kilam juil apeb siğak milep gip. Minek ognap miñab pakniğ gek, yigen pobin apil lig dad amek, ma pakip. Nib ak rek me, bi minim tom agep bi okok, God Minim ag ñobin, apal. Niğ gipal ak, God kirop kislim pobin owip nab okok ag yokniğab.

¹⁸Bi nib okok, yib kiri ke dap ranil apal, “Cinop kisen gil, midmagil warik ñinimiñ rek abramek ginimib,” apal. Bin bi ognap ned bi niñep kiri okok eip tagil, gi timel gil abramek gelak, pen kisen gos tep niñil miñ ar nibak kirig gil, mañ mid tep ginig gebal. Pen bi timel nib okok amil, bin bi miñi mañ mid tep ginig gebal okok gos timel ñel, kiri kanib tep ak kirig gil, adik gil, kauyañ tap si tap timel ar ak gipal. ¹⁹Bi timel nib okok apal, “Nibi midmagil warik ñinimiñ rek abramek ginimib,” apal ak pen bi timel okok kiri ke tap si tap timel gep won ak miñ wög gep bin bi rek midebal. Bi ognap apil, bi ognap eip pen pen gil, miñ lenigal ak, kiri miñ wög gep bi kiri midebal. Tap si tap timel gep won ak, bin bi ognap eip pen pen gil miñ lenigab ak, kiri tap si tap timel nib okok miñ wög gep bin bi rek midebal. Miñ wög nibak gi damil, yokop midenimel rek ma lip. ²⁰Ned Bi Kib cin Jisas Kraiș cinop di komiñ yokip ak nop niñ dil, bin bi eip tagil tap si tap timel lim dai ar wagin aul gos niñil abramek gipal okok kirig gil, mid tep gilak. Pen kisen ak, kiri adik gi amil, tap si tap timel ned göligipal kanib nibak kauyañ amenigal ak, ned timel mideligipal rek mer, miñi timel yib midenigal. ²¹Komiñ midep nag ak ma niplap ak, tep rek gipkop. Pen God kirop agak minim tep ak niñil, kisen kirig ginigal ak, gi timel yib ginigal. ²²Bi God Minim kirig gipal okok, kiri minim ar omal birarik nep ageligipal ak rek gipal. Minim omal nibak alap aglak, “Kain okok wökil, adik gi apil, tap wök lipal siğak kauyañ opal,” aglak. Minim alap pen aglak, “Kaj okok ñig pakil, dai uleb kolkol ginigal,” aglak.

Jisas kisen adik gi onigab, agil, gos sek midenimib

3 ¹Bin bi midmagil yad okok. Nibep mij alap ned ñu kil tik yoknek. Miñi mij kisen nib nibep ñu kil tikebin. Mij omal pen wagin nokim

nep. Yad nibep mij omal ñu kil tiken, nibi minim ned nipek ak niñ tep gil, gos niñlig gi nep midenimib, agil, nibep mij kisen nibaul ñu kil tikebin. ²God ne ke bi minim agep siñ ne okok ag lek, kiri birarik nep minim ne aglak. Di Komiñ Yokep Bi cin, Bi Kib cin ak, ne ke bi minim dad ameb ne ag lek, minim kilis agil, nig ginimib, agak minim ak ag ñibin. Minim nibak nep, kiri birarik aglak abe, cin miñi ag ñibin abe, niñ midenimib, agil, nibep mij nibaul ñu kil tikebin.

³Pen tap pobij agebin aul niñim. Ñin kisen midobin aul rek, bin bi gos timel kiri ke nipal rek gipal okok, ognap apil Jisas Kraiss minim tep ne ak ag juil agnigal, ⁴“Bi onigain, agil, minim ag lak ak, onigab migan akal nib? Bin bi ned nib okok midel niñlig gi, onigain agak ak pen kiri kim saklak ak ma owip. Tap magilsek birarik ped okok gi lak ñin ak midek rek nep mideb,” agnigal. ⁵Bi nib okok, God birarik ped okok minim nep agek, seb kab ar alañ lil, ñig ak kis kis gil, lim dai ak nab eyañ lil gak. God gak nibak, kiri niñ tep gipal ak pen kiri niñebir kirig gipal. ⁶Kisen, God minim nep agek, ñig nib okok apil, lim dai tap okok ned midoligip ak tawek yapek gek, pis nep timel gak. ⁷God minim nibak nep agek, seb kab ar alañ abe, lim dai wagin aul abe, miñi mid tep gip ak pen bin bi God Minim ageb rek ma gipal okok kirop minim kib agil yur kib ñinigab ñin ak, seb kab alañ abe, lim dai wagin aul abe, mab dagilek pis nep yinnigab.

⁸Pen bin bi midmagil yad okok. Minim alap saköl ginimib rek lip. Cin ñin nokim alap nep nipin ak pen Bi Kib niñek mi koñai yib rek lip. Cin mi koñai yib nep wök pag nipin ak pen Bi Kib niñek ñin nokim alap nep rek lip. ⁹Nib ak, Bi Kib ne, onigain, agil, kasek ma owip ak, bin bi ognap minim nep agil kirig gipal rek ma gip; bin bi tap si tap timel gil, mab ke eyañ amñig gebal okok, ognap ma kir ginimel, kiri magilsek yip ken ar apel kirop dinim, agil, Bi Kib kod mideb.

¹⁰Pen Bi Kib onigab ak, bi tap si dep okok kiri niñ midel ma opal rek onigab. Ñin nibak, gu parsek agek niñlig gi, seb kab mik ar alañ ke ke amñigab. Gap tap tari tari seb kab ar alañ mideb okok yinil, lim dai ar wagin aul tap tari tari mideb okok magilsek yin sibok ñib amñigab.

¹¹Kisen tap okok magilsek nig gil yinnigab, agil, nibi miñi gi tep ginigabim aka abramek ginigabim? Ñin kib onig geb nibak gos niñil, God Minim ageb rek nep gil bin bi siñ ne midenimib. ¹²Pen God ñin kib ne ak kasek onimij, agil, minim tep ne ak bin bi okok kirop ag ñilig gi midenimib. Ñin nibak, takin, gap, tap seb kab ar alañ okok, yin sibok ñig bad linigab ak pen ¹³God seb kab ar alañ abe, lim dai wagin aul abe, kisen nib ginigain, agil, minim ag lak ak kod midobin. Karip kisen nib nibak, bin bi God eip midil ne ageb rek nep gel amñigab.

¹⁴Nib ak, bin bi midmagil yad okok. Ne onigab, agil, kod midebim ñin aul, gos kilis niñil, God udin yirik ne bin bi asiñ ma mideb, bin bi minim

ma mideb rek midil, nop eip jim ñil midon, agil, gem amek me, ne apil nibep niņek, tep yib ginimiņ. ¹⁵Pen Bi Kib ne kasek ma owip ak, nibi gos niņnimib, Bi Kib nibep bin bi ognap sek yip ken ar apel, yad di komiņ yoknim, agil, kod mideb. God ne mam midmagil cin Pol nop gos tep ñek niņlig gi, nibep mij ñu kil tikil, minim nokim nibak rek agak. ¹⁶Pol minim ne ñu kil tikak ak, mij ne tikak okok magilsek minim ar nokim nibak nep mideb. Pol mij ne okok minim koslam niņeb rek ognap sek agak. Bin bi God Minim ma niņil, Kraiss nop cig tep ma gipal okok, Pol minim koslam niņeb nibak niņil, tig adik gil minim tom ar ak apal. God Minim bi ognap ñu kil tiklak okok, kiri ak rek nep minim nibak niņil, tig adik gil minim tom ar ak apal. Nig gel, God minim kib agniņab ñin ak kaņib kiri komiņ ameb alap ma mideniņab.

¹⁷Pen bin bi tep yad okok. Nibi minim nibaul bir nipim ak me, niņ tep ginimib. Nibi miņi Kraiss nop cig tep gil midebim. Pen bin bi ognap apil, minim tom agel, nibi ak rek nep gos timel niņil, kiri gi timel gipal rek gil, ap yap paknimib rek lip. ¹⁸Pen Bi Kib cin Jisas Kraiss cinop di komiņ yokip ak, ne bin bi yimiņ niņil di tep gip ak nipim rek, Jisas Kraiss nop niņ tep yib gin, agil, gos nibak niņlig gi midem amnimiņ. Bi Kib cin yib ne ak per nep per nep agon ar amnaņ! Niņ akniņ rek tep.